

【教育部新聞稿】(臺灣台語音檔)

臺灣台語輸入法 APP 上線 對今仔日開始手機仔嘛通輸入臺灣台語

發布日期：115 年 1 月 14 日

發稿單位：終身教育司

承辦人：陳怡寧

電話/手機：(02)7736-6810/0970-996-228

E-mail：iling@mail.moe.gov.tw

新聞聯絡人：蔡忠武科長

電話/手機：(02)7736-6801/0910-015-040

教育部當今有做一套臺灣台語輸入法的 APP，會佇今仔日（14）正式上線，此過民眾欲用家己的手機仔拍字，抑是用臺灣台語文創作就會加真利便。這套 APP 閣有帶語音辨識的功能，予民眾通「用講的較緊」，手機仔就會自動共語音轉做文字，有提升咱民眾自然也自發用本土語文的應效，嘛予原底較無熟似咱本土語言文字書寫的民眾，真簡單就通輸入揣著欲捏的訊息，當今結合數位科技的技術對咱本土語言的復振俾傳承確實有幫贊。向望逐家就無棄嫌掠落來用，隨時都通用臺灣台語俾親朋五十開講。

教育部為欲回應公共政策的提案、堅心推揀臺灣台語俾臺灣客語等等的本土語言數位化工程，嘛有做一套「教育部本土語言成果參考字表」。經過跨部會的協調俾溝通，Apple 佇 114 年 9 月就共附表全部的字形齊添入去個的作業系統裡，佇 iOS 26 更新正式開放予民眾使用。Apple 嘛成做頭一間做到系統字形通全面支援本土語言字體顯示的國際廠商，予民眾用手機仔抑是電腦設備來讀寫本土語言文攏加真利便。

「臺灣台語輸入法」除去有支援拼音輸入俾語音輸入，另外針對無法度正常顯示本土語文用字的行動設備，嘛有設臺灣台語漢字轉圖片的輸出功能，予目前無通正確顯示臺灣台語文的行動設備有一個抽退的替代步，增加臺灣台語文佇行動設備的流通俾能見度。

教育部對 113 年開始就咧開發佇手機仔俾平板等等行動設備會當拍字兼顯示的臺灣台語輸入法 APP。今都也攏創好勢囉，即時就通佇 APP Store 和 Google Play 平臺上線。民眾若對這馬的 APP 有任何的回饋意見，才請賜正，阮會定期請廠商修正調整。